





唐以詩鳴者千餘家詞自花間集外不
慢詞尤不多我

朝太平盛時柳耆卿周美成羨為新譜諸家又
增益之腔調備矣後之倚其聲者語工則音未
必諧音諧則語未必工斯其難也余平時不敢
強輯友朋間相勉屬和隨輒棄去奚子偶於故
書中得斷藁又於黃玉泉處傳錄數十闕共為
一編余笑曰文章小技耳况長短句哉今老矣
不能為也因書其後以志吾過淳祐己酉中秋



芝山老人

虛齋樂府目錄上

萬年歡

大酺

孤鸞

金盞子

天香

探春慢

龍山會 三

芙蓉月

夜飛鵲

秋蘂香

角招

徵招

揚州慢 二

惜黃花

憶舊遊 二

燭影搖紅



虛齋

薄媚摘遍

沁園春三

賀新郎六

虛齋樂府上

萬年歡

慶元

聖節

鳳曆開新正微和乍轉麗景初曉五莢莫舒光
映玉階瑤草在在東風語笑慶此日虹流電繞
鯨波靜翠湧鼇山嵩呼聲動雲表絳節霓旌
縹緲望珠星燦爛紫微深窈琬液香浮露濕蟠
桃猶小疊仙韶九奏知春到人間多少蓬萊
外若木扶疎萬年枝上長好



大酺 牡丹

正綠陰濃鶯聲懶庭院寒輕煙薄天然花富貴
逞天紅勢紫疊葩重萼醉艷酣春妍姿泥露翠
羽輕明如削檀心鴉黃嫩似離情愁緒萬絲交
錯更銀燭相輝玉瓶微浸宛然京洛朝來風
雨惡怕僝僽低張青油幕便好倩佳人插帽貴
客傳箋趁良辰賞心行樂四美難并也須拚醉
莫辭杯酌被花惱情無着長笛何處一笑江頭
高閣極目水雲漠漠

孤鸞 梅

江南春早問江上寒梅占春多少自照疎星冷
祇許春風到幽香不知甚處但過滿汀煙草
回首誰家竹外有一枝斜好記當年曾共花
前笑念玉雪襟期有誰知道喚起羅浮夢正參
橫月小淒涼更吹塞管謾相思鬢華驚老待覓
西湖半曲對霜天清曉

金盞子 水仙

得水能僊向漢臯遺珮碧波涵月藍玉暖生煙

稱縞袂黃冠素姿芳潔亭：獨立風前照冰壺
澄徹當時事琴心妙處誰傳頓成愁絕 六出
自天然更一味清香渾勝雪西湖秋菊寒泉似
坡老風至今人說勤折伴梅邊聽玉龍吹裂
丁寧道百年兄弟相看晚節

天香 牡丹

蜀錦移芳巫雲散彩天孫剪取相寄金屋看成
玉臺凝盼尚憶舊家風味生香絕艷說不盡天
然富貴臉嫩渾疑看損肌柔只愁吹起 花神

為誰着意把韶華捻歸姝麗可是老來心事不
成春思却羨宮袍仙子調曲曲清平似翻水笑
囑東風勤勸醉

探春慢 立春

南國收寒東郊放暖條風初回臺榭小燕橫釵
鬢娥低鬢根底吳娃大冶纖手傳生菜向人道
新春來也莫須沉醉尊前這些風景無價 長
記年：此日迎着個牛兒綠鞭羞打颯：金幡
星：鬢髮得似家山閑暇都把心期事待問訊

柳邊花下簫鼓聲中溫存小樓深夜

探春慢 四明除夜

屑璐飄寒鏤金獻巧粧成水精亭榭飛絮悠揚
散花零亂絕勝翠嬌紅冶粉艷嬉道盡飛上
史君鬚也多情莫笑衰翁舊時梁苑聲價 窻
外小梅羞澁倩羯鼓尊前慢敲輕打鯨海停波
鶴譙賓月贏得殘年清暇心事知誰會但夢繞
越王城下白玉青絲且同醉吟春夜

探春慢 四明次黃玉泉

寶勝賓春華燈照夜窮冬渾然如客爐焰麟紅
杯深翡翠早減三分寒力一笑團樂處恰喜得
雪消風息苔枝數葉明珠恍疑香麝初拆 懊
恨東君無准甚朝做重陰暮還晴色喚燕呼鶯
雕花鏤葉機巧可曾休得靜裏無窮意謾看盡
紛紅白且聽新腔紅牙玉纖低拍

龍山會 南豐登高

重整登高屐群玉峯頭萬里秋無極遠山青欲
滴新雁過縹緲孤雲天北煙入小橋低水痕退

寒流澄碧對佳辰驚心客裏鬢絲堪摘 風流
晉宋諸賢騎臺龍山俛仰皆陳迹憑欄看落日
嗟往事唯有黃花如昔醉袖舞西風任教笑參
差鳧鳥但回首東籬久負有誰知得

龍山會

去年九日登南澗無盡閣野涉賦詩
僕與東溪藥窻諸友皆和今年陪元
戎遊昇山詰朝始克修故事則向之
龍蛇滿壁者易以山水矣拍欄一笑

竚立西風如訴遙仙家城闕十萬綠衣童女雲
縹緲玉娉婷想隱絲鸞飛舞樽前更風度記
天香國色曾占春暮依然好在還伴清霜涼露
一曲闌干敲偏悄無語空相顧殘月澹酒闌時
滿城鐘鼓

夜飛鵲

七夕和方時父韻

微雲拂斜月萬籟聲沉涼露暗墜桐陰蛾眉乞
得天孫巧惜二樓上穿針佳期鵲相誤到年時

此夕懽淺愁深人間兒女說風流直到如今
河漢幾曾風浪因景物牽情自是人心長記秋
庭往事鈿花剪翠釵股分金道人無著正蕭然
竹枕練衾夢回時天淡星稀閑弄一曲瑤琴

秋藥香木犀

一夜金風吹成萬粟枝頭點點明黃扶疎月殿
影雅澹道家裝阿誰倩天女散濃香十分熏透
霓裳徘徊處玉繩低轉人靜天涼底事小山
幽詠渾未識清妍空自情傷憶佳人執手訴瀟

游兄幾叟分韻得若字爲歌商調龍
山會

九日無風雨一笑凭高浩氣橫秋宇羣峯青可
數寒城小一水縈迴如縷西北最關情慢送指
東徐南楚黯銷魂斜陽冉冉雁聲悲苦今朝
黃菊依然重上南樓草草成歡聚詩朋休浪賦
舊題處俛仰已隨塵土莫放酒行疎清漏短涼
蟾當午也全勝白衣未至獨醒凝竚

龍山會

四明重陽泛舟月湖

佳節明朝九綵舫凌虛共醉西風酒湖光藍滴
透雲浪碎巧學波紋吹皺碧落杳無邊但玉削
千峯寒瘦留連久秋容似洗月華如畫 回頭
南楚東徐暝靄蒼煙處處空刁斗山公今健否
功名事付與年時交舊白髮苦欺人尚堪插黃
花盈首歸去也東籬好在覓淵明友

芙蓉月

黃葉舞空碧空臨水處照眼紅苞齊吐柔情媚態

湘招蟾魄和酒吸秋光碧雲入暮何妨惆悵久
瑤琴徵弄一曲清商

角招

姜白石角招徵招二曲僕賦梅花以
角招歌之盖古樂府有大小梅花皆
角聲也

曉寒薄苔枝上剪成萬點冰萼暗香無處着立
馬斷菟晴雪籬落橫溪略約恨寄驛音書遠遶
夢繞揚州東閣風流舊日何郎想依然林壑

離索引杯自酌相看冷淡一笑人如削水雲寒
漠漠底處群仙飛來霜鶴芳姿綽約正月滿瑤
臺珠箔徙倚闌干寂寞盡分付許多愁城頭角

徵招 雪

玉壺凍裂琅玕折駸駸逼人衣袂暖絮張空飛
失前山橫翠欲低還又起似粧點滿園春意記
憶當時剡中情味一溪雲水天際絕行人高
吟處依稀灞橋鄰里更剪一梅花落雲階月地
化工真解事強勾引老來詩思楚天暮驛使不

來悵曲闌獨倚

揚州慢

瓊花惟揚州后土殿前一本比聚八
僊大率相類而不同者有三瓊花大
而瓣厚其色淡黃聚八僊花小而瓣
薄其色微青不同者一也瓊花葉柔
而瑩澤聚八僊葉麗而有芒不同者
二也瓊花藥與花平不結子而香聚
八僊藥低於花結子而不香不同者

三也友人折贈數枝云移根自鄱陽
之洪氏感而賦之其調曰揚州慢

十里春風二分明月蘂僊飛下瓊樓看冰花剪
剪擁碎玉成毬想長日雲階竚立太真肌骨飛
燕風流歛羣芳清麗精神都付揚州 雨窻數
朶夢驚回天際香浮似閨苑花神憐人冷落騎
來來遊為問竹西風景長空淡煙水悠悠又黃
昏羌管孤城吹起新愁

揚州慢

諸賢詠賞瓊花之次日復得牡丹數
枝方茲溪又以詞來索和遂併為二

花着語

梁苑吟新高陽飲散玉容寂寞粧樓故人應念
我折贈水晶毬不須倩東風說與吹簫雲路解
珮江流似天涯邂逅相逢低問東州 爲花更
醉細按香酒面酥浮記橋月同看簾風共笑僊
枕曾遊無奈乍晴還雨江天暮飛絮悠悠莫先
教偷取春歸滿地清愁

惜黃花菊

衆芳凋謝堪愛處老圃寒花幽野照眼如畫爛
然滿地金錢買斷金天無價古香逸韻似高人
更野服黃冠瀟灑向霜夜冷笑暖春桃李天治
襟期問與誰同記往昔獨自徘徊籬下來
盈把此時一段風流賴得白衣陶寫而今爲米
負初心且細摘輕三雅沉醉也夢落故園茅舍

憶舊遊慢

荷花泛東湖用方時父韻

愛東湖六月十里香風翡翠鋪平誤入紅雲裏
似當年太乙約我尋盟葉舟蕩漾寒碧分得一
襟冰漸際晚輕陰脩蒲舞綠捲柳蘇青 娉婷
黯無語想怨女三千長日宮庭六六闌干曲有
玉兒才兒誰與看承柔情一點無奈頻付酒杯
行到夜靜人歸涼蟾自照鷗鷺汀

憶舊遊慢

望紅葉影裏冉冉斜陽十里隄平喚起江湖夢
向沙鷗任處細說前盟水鄉六月無暑寒玉散

清冰笑老去心情也將醉眼鎮為花青
亭亭步明鏡似月浸華清人在秋庭照夜銀河落想
粉香濕露恩澤初承十州縹緲何許風引絲舟
行尚憶得西施餘情裊裊煙水汀

解語花

東湖賦蓮後五日雙苞呈瑞昌化史
君持以見遺因用時父韻

紅香濕月翠影停雲羅襪塵生步並肩私語知
何事暗遺玉容泣露閑情最苦任笑道爭妍似

妬倒銀河秋色雙星不到佳期誤擬把江妃
共賦憶當時攜手煙水深處明珠濺雨凝脂滑
洗出一番鉛素憑誰說與莫便化綵鸞飛去待
玉童雙節來迎為作芙蓉主

燭影搖紅

乍冷還暄小春時候今朝轉三分曆日二分休
鏡裏清霜滿雲幕低垂不展矮窗明紅麟初暖
老來活計濁酒三盃黃庭一卷萬里關河朔
風吹到邊聲遠倚樓脉脉數歸鴻誰會愁深淺

最苦山寒日短但梅花相看歲晚何人金屋巧
轉歌鶯漫調箏雁

薄媚摘遍

重九登九僊山和張方巖

桂香消梧影瘦黃菊迷深院倚西風看落日長
江東去如練先生底事有賦飄然剛道為田園
獨醒何為持杯自勸未能免休把茱萸吟翫
但管年年健千古事幾憑闌早吾生早九十強
半歡娛終日富貴何時一笑醉鄉寬倒載歸來

回廊月滿

沁園春

次劉後村

秋入書幃漏箭初長熏爐未灰向酒邊陶寫韓
情杜思案頭料理漢蠹秦煨天有高情世無慧
眼剛道先生是不齋人都笑這當行鋪席又不
成開忘懷物外徘徊與鷗鷺同盟兩莫猜似
琉璃匣裏光涵牛斗鳳皇臺上聲挾風雷寶永
一錢冰銜三字浮利浮名安在哉太平也要泥

金鏤玉除是公來

沁園春

自鄞歸賦

客問吾年吾將老矣今五十三似北海先生過
之又過善財童子參到無參官路太行世情滄
海何止嵇康七不堪歸來也是休官令尹有髮
瞿曇千巖秀色如藍新着箇樓兒恰對南看
浮雲自在百般態度長江無際一碧虛涵荔子
玉江玳筍羹鱸膾一曲春風酒半酣憑闌處正

空流浩月光滿寒潭

沁園春

次方時父

自笑生來骨相無期奇士三甲三覺紫宸班裏
都忘故步維摩室內添箇新參壯也不如老之
將至今日將軍戰豈堪江湖客况詩肥賈島筆
瘦王曇紛紛紆紫拖藍送水北山人又水南
喜支離得佚散財可壽一止自足萬象中涵膾
炙功名膏盲富貴舉世黃梁夢正酣知誰健且

如芝商嶺飲菊胡潭

賀新郎

四明送上官尉歸吳

滿酌蓬萊酒最苦是中年作惡送人時候一夜
朔風吹石裂驚梅花也瘦更衣袂嚴霜寒透卷
起潮頭無大尺甚扁舟拍上三江口明月冷載
歸否分携欲折無垂柳但層樓倚徙兩眉空
皺海濶天高無處問萬事不堪回首况目斷孤
鴻去後玉樣松鱸今正美想子真微笑還招手

且為我飲三斗

賀新郎

次劉後村

葵扇秋來賤阿誰知初回輕暑又教題徧不是
琵琶知音少無限如簧巧囀倩說似長門秋怨
莫把娥眉與人妬但踈梅淡月深深院臨寶鑑
欲粧懶少時聲價傾梁苑到中年也曾落魄
霧收雲卷待入漢庭金馬去灑筆長江衮衮好
留取才名久遠過眼榮華俱塵土聽關雎盈耳

離騷婉歌不足為嗟嘆

賀新郎

送鄭怡山歸里

載酒陽關去正西湖連天煙草滿堤晴絮采翠
擷芳遊冶處鷹和嬌絃艷鼓看柳外畫船無數
萬頃琉璃渾鏡淨陟風波洶洶魚龍舞談笑裏
遽如許流觴滿引澆離緒更東西斜陽立馬
綠波前浦自是尊鱸高興動恰值春山杜宇謾
回首軟紅香霧咫尺佳人千里隔望空江明月

橫洲渚清夢斷恨如縷

賀新郎

芝山堂下蘭開雙花瓣外環兩心中
並有同人之義焉瑞蓮嘉禾歌頌多
矣此獨創見小詞紀之

草色庭前綠掩重門國香伴我畫簾幽獨無奈
薰風吹綠綺閑理離騷舊曲覺鼻觀微聞清馥
可是花神嫌冷淡碧叢中炯炯駢雙玉相對久
各歡足冰姿帶露如新沐想當年夷齊二子

獨清孤竹千古英雄塵土盡凜凜西山雲木
付與一樽醺醖學得漢宮嬌姊妹便承恩貯向
黃金屋終不似在空谷

賀新郎

夜來月色可人蘭香滿室再用前調
碾破長空綠看銀蟾一輪似水照人幽獨縹緲
風搖環珮碎疑是英莖妙曲忽散作天花芬馥
帝子雙雙來洞戶炯肌膚冰雪顏如玉愁易老
意難足楚江萬頃疏湯沐想佳人依然攜手

碧雲脩竹葱蒨玲瓏方寸許青過千重夏木
就我同傾湘醪追憶蘭亭當日事儘淒涼也勝
盧仝屋應不到羨金吾

賀新郎

次孫花翁乙酉

春事渾如客起新晴花驄驕俊紵衫輕窄臘甕
初傾光欲動笑把黃甘旋擘更喜得酒朋詩敵
陶寫襟懷觴咏裏似風流王謝當年集忘爾汝
任爭席踈簾畫舫梅粧白看斜陽波心鏡面

照伊顏色縹緲笙歌天上譜一刻千金莫惜誰
信道高樓占得柳外暝煙人去也但月鉤冷浸
闌干濕知過了幾寒食

漢宮春

次方時父元夕見寄

投老歸來寄踏青隄上三度逢君寒窻冷淡活
計明月空樽紅紅白白又一番春色撩人誰信
道閑中天地園林幾見成塵今夕偶無風雨
便滿城簫鼓來往紛紛鼇山寶燈照夜羅綺千

門珠簾半捲看娉婷水上行雲應自笑郎少日
風流羽扇綸巾

虛齋樂府上

虛齊樂府目錄下

暗香

疎影

尾犯

燕春臺

二

玉燭新

念奴嬌

三

風流子

二郎神

二

木蘭花慢

滿江紅

摸魚兒

水龍吟

二

水調歌

雙瑞蓮

桂枝香

永遇樂

鵲橋仙

虞美人二

荔枝香近

西江月

一落索

青玉案

小重山

謁金門

醉蓬萊

鳳歸

芰荷香

空千憶百花過了游蜂將次成蜜
追思共醉
西湖詩朋餘幾俯仰成悲惻月射波心光萬丈
猶想當時顏色黃鵠翩翩白駒皎皎莫待山靈
勒金貂翦笠問渠還肯相易

念奴嬌

次朱次參送其行

樽前一笑問梅花消息幾枝開遍咳唾隨風人
似玉寒夜春生酒面故里天遙殊鄉歲晚忍對
驪駒宴無情潮汐可能為我留戀
目斷雪棹

煙帆匆匆輕別豈是如鴻燕要趁盤椒供燕喜
舞袖爛斑雙旋屈指重來揚鞭催去想在金鑾
殿雲萍無據莫辭蘸甲深勸

念奴嬌

梅花度曲被多情勾引枝枝看徧暗憶孤山今
夜月踈影橫斜鏡面夢綠凌風雲英怯冷未放
瑤池宴人間蜂蝶也知無許留戀 聞道管領
多才清詞好句泥落空梁燕好喚珠藥供綵筆
莫待隨風面旋千歲蟠虬雙棲么鳳咫尺蓬萊

虛齋樂府下

暗香

爲毅齋知院賦

冰花炯炯記那回占斷春風鰲頂獨抱寒香得
意西湖酒初醒爲問玉堂富貴爭得似山中深
靚向歲晚竹翠松蒼閑伴一枝冷 南浦水萬
頃想月濕斷磯雲弄踈影粉英落盡孤鶴長鳴
夜方永將見青青似豆又迤邐傳黃風景聽報
道吹去也再調玉鼎

疎影

爲意一侍郎賦

晴空漠漠恠雪來底處飄滿籬落元是花神管
領春風幽香忽徧林壑玉僊緩轡江城路全不
羨揚州東閣似天教瑤珮瓊裾薦與翠樽冰勺
聞道兒童好語豐年瑞覆斗占取紅萼驛使
飛馳羹鼎安排速趁良辰行樂聯鑣一一清都
客也肯把山翁同約醉歸來夢斷西窗怕聽麗
譙悲角

尾犯

重九和劉隨如和

長嘯躡高寒回首萬山空翠零亂渺渺清秋與
斜陽天遠引光祿清吟興動憶龍山舊遊夢斷
袂衣初試破帽多情自笑霜蓬短黃花長好
在一俛仰節物驚換紫蟹青橙覓東籬幽伴感
今古風淒霜冷想關河煙昏月淡舉杯相屬慙
慙更把茱萸看

燕春臺

送徐意一

繡地殘英盡空飛絮東風又送春歸更足郊坰
相將翠密成帷燕鶯猶戀芳菲向枝頭葉底依
依留春不住綠波渺渺碧草萋萋錦帆開
曉綵伏迎薰峯回路轉天淡天低紅雲影裏群
仙報道班齊九奏簫韶筭人間無此墳麓步新
隄金鼎調羹也梅子黃時

燕春臺

送鄭毅齋入覲

錦里春回玉墀天近東風穩送雕鞍祖帳移來
光流萬斛金蓮十分香月娟娟照人間一點魁
躔此時新事飛來雙鳳催上甘泉 尋思京洛
少日芳遊柳搖禁雪花淡宮煙鬢山湧翠通宵
脆管繁絃再見昇平想紅雲縹緲群仙看明年
金殿傳柑宴衣繡貂蟬

玉燭新

和方時父併懷孫季蕃

寒寬一雁落正萬里相思被渠驚覺春風字字

吹香雪喚起西湖盟約當時醉處彷彿記青樓
珠箔又不是南國花遲徘徊酒邊慵酌 家山
月色依然想竹外橫枝玉明冰薄而今話昨空
對景悵望美人天角清樽淡薄便翠羽慙慙難
托休品入三疊琴心教人瘦却

念奴嬌

寒食次盧野涉併懷孫季著

重門翠鎖笑侯鯖斷絕又逢寒食社甕初開春
浩蕩薺蕨漫山誰摘榆火傳新柳綿吹老愁緒

殿湖邊春暗料應日日酬勸

風流子

中秋羣賢集於蝸舍值雨作和劉隨
如

憶昔少年日吳江上長嘯步垂虹看飛出玉輪
十分端正幻成冰壑一碧澄空當此際醉魂遊
帝所涼袂颺秋風桂殿鳳笙妙音何處萼羹鱸
膾清與誰同 今宵歡娛地千鈞筆模寫擬付
良工無奈雲沉顧兔雨桂癡龍誤騷客宿吟杯

仙夢醉負他佳節戲我衰翁畢竟孤光長在後
夜重逢

二郎神

次方時父送春

一江淥淨筭閱盡燕鴻來去便繫日繩長修蟾
斧妙教駐韶華未許白白紅紅多多態問底事
東皇無語但碧草淡煙落花流水不堪回竚
晴雨陡寒乍熟清陰庭戶任詩卷拋荒棋枰休
務寂寞風簾舞絮我酌君斟我詞君唱誰似卿

卿蕭史持醪酌斷送春歸恰好聽鳩呼婦

二郎神

次陳唯道

野塘暗碧漸點點翠鈿明鏡想畫永珠簾人閑
金屋時倚粧臺照影睡起闌干凝思處謾數盡
歸鴉棲暝知月下鶯黃雲邊娥綠為誰低整
曾倩雁傳鵲報心期千定奈柳絮浮雲桃花流
水長是參差不並莫怨春歸莫愁柘老蠶已三
眠將醒腸斷句枉費丹青漠漠水遙煙迴

木蘭花慢

漳州元夕

玉梅吹霽雪覺和氣滿南州更連夕晴光一番
小雨朝霽全收人情不知底事但黃童白叟總
追遊駕海千尋絲岫漲空萬點星毬風流秀
色明眸金蓮步度輕柔任往來燕席香風引舞
清管隨謳何曾見癡太守已登車去也又遲留
人似多情皓月十分照我當樓

滿江紅

牡丹和梁質夫

傾國精神嬌無力亭亭向誰還知否羞沉月姊妬
殺風姨滿地臙脂春欲老平池翡翠水新肥祗
花王富貴占韶光真絕竒香暗動人未知翻
玉拍度金衣任輕紅韶紫對景偏宜聞道洛陽
誇此地因思京國太平時向沉香亭北按新詞
秉醉歸

摸魚兒

荷花歸耕堂用時父韻

古城陰一川新浸天然塵外幽絕誰家幻出千
機錦疑是蘂僊雲織環燕席便縱有萬花此際
無顏色清風兩腋炯玉樹森前碧甯滿注共作
醉鄉客長隄路還憶西湖景物遊船曾點空
碧當時總負凌雲氣俛仰頓成今昔愁易極更
對景銷凝悵望天西北歸來日夕但展轉無眠
風櫺水館冷浸五更月

水龍吟

次周月船

塞樓吹斷梅花曉風瑟瑟添悽咽關河萬里煙
塵四野眼前都別擊楫功名推鋒意氣是人都
說問周郎何日小喬到手爲君賦酌江月休
把愁腸暗結又相將魯雲書節錦圍放密金樽
任滿歌聲莫歌贏得朝朝半醒半醉佯癡佯劣
儘曹騰深入無何管甚鬢絲成雪

水龍吟

次李起翁中秋

誰家明鏡飛空海天紺碧浮秋霽西風淡蕩纖

雲捲盡小星疑墜宇宙冰壺襟懷玉界飄然仙
思炯靈犀一點蟾輝萬丈長相射清清地 祗
有桂華長好照人間幾番榮悴年年此夕持盃
嚼露揮毫翻水寶瑟淒清玉簫縹緲珮環聲碎
喚謫仙起舞古今同夢不知何世

水調歌

次方時父癸卯五月四日

競渡楚鄉事誇勝錦纏頭湖光淥淨轉勝雪浪
舞潛虬剛道琉璃寶苑移作水晶珠闕鼇頂出

中流一釣驚天地能動此心不 活千年封萬
戶等虛舟眇然身世煙水浩蕩一沙鷗聽得長
淮風景喚起離騷往恨杜若滿汀洲相對老榕
下五月已先秋

雙瑞蓮

千機雲錦裏看並蒂新房駢頭芳葉清標艷態
兩兩翠裳霞袂似是商量心事倚綠蓋無言相
對天蘸水綵舟過處鴛鴦驚起 縹緲漾影搖
香想劉阮風流雙僊姝麗閑情未斷猶戀人間

歡會莫待西風吹老薦玉醴碧甯拚醉清露底
明月一襟歸思

桂枝香

四明鄞江樓九日

水天一色正四野秋高千古愁極多少黃花密
意付它歡伯樓前馬戲星毬過又依稀東徐陳
迹一時豪俊風流濟濟酒朋詩敵 畫不就江
東暮碧想閱盡千帆來往潮汐煙草萋迷此際
為誰心惻引杯撫劒憑高處黯消魂目斷天北

至今人笑新亭坐間淚珠空滴

桂枝香

四明中秋

青霄望極際萬里月明無點雲色一片冰壺世界
水鄉先得年年客裏驚秋半倚西風鬢華吹白
覓閑無路相逢且醉好天涼夕 聽曲曲仙韶
捉拍趁畫舸飛空雪浪翻激行樂風流暗省舊
時京國插空翠巘連星麓但波痕浮動金碧不
如歸去扁舟五湖釣竿漁笛

永遇樂

七夕和劉隨

雲雁將秋露螢照夜涼透窻戶星網珠疎月奩
金小清絕無點暑天孫河鼓東西相望隱隱光
流華渚粒樓上青瓜玉果多少駢兒癡女金
針暗度蛛絲密結便有繫人心處經歲離思霎
時歡愛愁緒空萬縷人間天上一般情味枉了
錦牋囑付又何似吹笙僊子跨黃鶴去

鵲橋仙

富沙七夕為友人賦

翠銷心事紅樓歡宴深夜沉沉無暑竹邊荷外
再相逢又還是浮雲飛去錦箋尚濕珠香未歇
空惹閑愁千縷尋思不似鵲橋人猶自得一年
一度

虞美人

天涼來傍荷花飲攜手看雲錦城頭玉漏已三
更耳畔微聞新雁幾聲聲蘭膏影裏春山秀
久立還成皺酒闌天外月華我流我醉欲眠君

且去來休

虞美人

紅木犀次謝主簿

素娥冷淡愁無奈
小作施朱態
霓裾霞珮下
瑤臺一朵綠雲圍繞
送春來
玄霜搗盡丹砂就
拚醉長生酒
羨君幽壑狎流年
把住西風長對
廣寒仙

荔支香近

樂府有荔支香調
似因物命題而亡

其詞輒爲補賦

翡翠叢中萬點星
毬小怪得鼻觀香
清涼館薰風透冰盤
快剝輕紅滑凝水晶
皺風姿姑射僊人
正年少紅塵一騎
魯博妃子笑休比
蒲萄也盡壓江瑤
倒詩情放逸更判瓊漿
和月醕細度冰霜
新調

西江月

次方蒙齋月夜

幾點垂垂北斗
床悄悄西風
山河天地點塵空

月殿蟾蜍欲動 舌本瓊漿甘徹鼻端玉蕊香
通棋邊切莫笑衰翁箇裏本來空洞

一落索

牡丹次謝主簿韻

露沁香肌嬌秀燕脂微透蕊宮仙子駕祥鸞被
風捲霞衣皺 輕剪倩它紅袖簪來輕盈手直
須沉醉此花前怕花到明朝瘦

青玉案

荷花贛州巢龜亭為曾提管賦

水亭橫梳荷花浦覺水面香來去亭上佳人雲
態度天然嬌韻十分擷就唱盡黃金縷 耳邊
低道清無暑我欲卿卿卿且住自笑風情衰幾
許一林明月五更殘夢不到陽臺路

小重山

紅木犀次謝先輩韻

一種分香自月宮人間清絕處小山叢誰將仙
米擲虛空丹砂碎糝遍碧雲中 好是竇家風
年年秋色裏又香濃風流全在主人翁青青鬢

相映臉潮紅

謁金門

梅共雪着箇玉人三絕醉倒醉鄉無寶屑照人
些子月 催得花王先發一曲陽春圓滑疑是
鬼坡留錦襪至今香未歇

醉蓬萊

壽安晚鄭丞相

正玉邊月靜萬國年豐菊多梅小吐玉擎香靄
皇都清曉龍駕徐驅貂冠夾侍天也和人笑紫

陌歡謠如今事事勝端平好 玉帶垂虹袞衣
華日秋水精神矍仙容貌長對凝流不羨高巖
老胸次乾坤掌中霖雨造化知多少便好重將
絳人甲子數中書考

鳳歸雲

正愁予可堪去馬便駢駢擬折一枝隄上萬垂
絲離思無邊離席易散落日照清漪苦是禁城
催鼓虛牀難寐夢魂無路歸飛 陡寒還熱急
雨隨晴化工無準將息偏難更向分携處立多

時吟髻凋霜世味嚼蠟病骨怯朝衣我有一壺
風月荔丹芝紫約君同話心期

芡荷香

端午和玉泉韻

倚晴空愛湖光激灩樓影青紅絲絲金黍水邊
還又相逢懷沙人問二千年猶帶酸風騷人灑
墨香濃幽情要眇雅調惺鬆天上芎蒲五色
縷倩摻摻素手分入離鍾新歡往恨一時付與
歌童斜陽正好且留連休要匆匆應須倒盡那

筒歸鞭笑指月掛蒼龍

虛齋樂府下

臨安府前棚北睦親坊南陳解元書籍鋪

刊行

雍正癸丑花朝趙勿藥手校



華五祭長...

...

...

...

...

丙午冬月韻齋錄副



程